

CONVENIO DE COLABORACIÓN ENTRE A CONSELLERÍA DO MAR DA XUNTA DE GALICIA E A ASOCIACIÓN DE FABRICANTES DE CONSERVAS DE PEIXES E MARISCOS (ANFACO-CECOPECA) PARA A PROMOCIÓN E A MELLORA DA COMERCIALIZACIÓN DAS CONSERVAS DE PRODUTOS PESQUEIROS

En Santiago de Compostela, o día 1 de abril de 2016, na sede da Consellería do Mar,

REUNIDOS

Dunha parte, D. Juan Carlos Maneiro Cadillo, en calidade de director xeral de Pesca, Acuicultura e Innovación Tecnolóxica, actuando en nome e representación da Consellería do Mar, por delegación da conselleira, en virtude das facultades delegadas que lle confire a Orde de 30 de marzo de 2012, da mesma consellería, publicada no DOG nº 70, do 12 de abril, e de conformidade co Decreto 129/2015, do 8 de outubro, polo que se fixa a estrutura orgánica das consellerías da Xunta de Galicia e da Orde do 9 de outubro de 2015 pola que se determina a adscrición dos órganos da extinta Secretaría Xeral do Mar á Dirección Xeral de Pesca, Acuicultura e Innovación Tecnolóxica.

E doutra, D. con DNI n.º, en representación da Asociación Nacional de Fabricantes de Conservas de Pescados y Mariscos – Centro Técnico Nacional de Conservación de Productos de la Pesca (en adiante ANFACO-CECOPECA), coas facultades recoñecidas na escritura de apoderamento de data 30/07/2009, outorgado ante o Notario do Ilustre Colexio de Galicia, D. e co n.º de protocolo 1992.

EXPOÑEN

PRIMEIRO:

Que as administracións públicas poden asinar convenios de colaboración con entidades pertencentes ao sector privado, segundo dispón o artigo 4.1.d) do Real decreto legislativo 3/2011, do 14 de novembro, polo que se aproba o texto refundido da Lei de contratos do sector público, sempre que o seu obxecto non estea comprendido na dita lei ou en normas administrativas especiais.

SEGUNDO:

Que o Estatuto de Autonomía de Galicia atribúe á Comunidade Autónoma, no seu artigo 28º, a competencia para o desenvolvemento lexislativo e a execución da lexislación do Estado no ámbito da ordenación do sector pesqueiro. Neste sentido o artigo 3.4 da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, inclúe dentro das materias correspondentes á competencia da Comunidade Autónoma as relativas á ordenación do sector pesqueiro galego, á ordenación das estruturas, aos mercados, á comercialización, á manipulación, á transformación e á conservación dos produtos pesqueiros e a promoción das estruturas de comercialización mediante o apoio aos sectores produtivos na distribución dos produtos do mar.

Neste sentido a Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade.

TERCEIRO:

Que a ANFACO-CECOPECA, asociación representativa, sen ánimo de lucro, da práctica totalidade do sector conserveiro dos produtos pesqueiros, conta entre os seus fins a realización de todas aquelas accións encamiñadas á promoción dos produtos derivados da pesca, o marisqueo e a acuicultura. Sendo a única asociación do sector conserveiro, capacitada para executar o investimento inmaterial obxecto deste convenio de colaboración, polo que non sería posible promover a concorrencia competitiva con outras asociacións do sector.

Que por canto a Consellería do Mar e a ANFACO-CECOPECA están interesados na potenciación do sector da conservación e transformación dos produtos pesqueiros en Galicia, así como na mellora da situación socioeconómica das xentes que viven desta industria, polo que cómpre establecer as condicións que permitan a coordinación de accións de promoción das conservas de produtos pesqueiros.

No marco do presente convenio desenvolveranse diversas accións de promoción do sector e mellora da comercialización: xornadas claves de futuro para o sector, showcooking i exposición de produtos en París, estudos de mercado, clases maxistrals de cociña, simposios de innovación e internacionalización e unha base de datos sobre a industria transformadora de produtos do mar en Galicia.

CUARTO:

Que as partes anteriormente referenciadas consideran de mutuo interese a realización dunha serie de accións que redunden nunha mellora do sector conserveiro e as industrias relacionadas en materias tales como comercialización, promoción e fomento do consumo de produtos transformados.

QUINTO:

Que para o desenvolvemento das actividades que se indican máis adiante, as partes, de forma conxunta, dispoñen de medios humanos e materiais suficientes.

Na súa virtude, e dada a existencia dun interese coincidente, ambas partes acordan formalizar o presente convenio de acordo coas seguintes

CLÁUSULAS

PRIMEIRA.- OBXECTO DO CONVENIO.

O obxecto do presente convenio é establecer as bases de colaboración entre a Consellería do Mar e ANFACO-CECOPECA para a coordinación de accións de promoción das conservas de produtos pesqueiros e a mellora da súa comercialización. As accións específicas que se van realizar derivadas deste obxecto son as que seguen:

1. Xornadas sobre claves de futuro para o sector

O sector industrial transformador e conserveiro de produtos da pesca e da acuicultura de Galicia no contexto actual, ten dada vez maiores esixencias empresarias que deben ser atendidas para así lograr un crecemento i expansión do sector.

Para poder abordar estas esixencias empresariais, considérase axeitado realizar unha serie de xornadas coas seguintes temáticas:

- Como impulsar a competitividade da nosa empresa a través da industria alimentaria.
- O etiquetado dos produtos agro-mar alimentarios e os seus transformados.



- Como aproveitar os acordos comerciais para a exportación de produtos da pesca e da acuicultura e os seus transformados e como asegurar e potenciar o abastecemento de materia prima.
- O reto da internacionalización das empresas do sector agro- mar alimentario.
- Como potenciar as calidades organolépticas dos produtos agro- mar alimentarios a través do uso de aditivos e aromas.
- Iniciativas innovadoras desenvolvidas no sector agro- mar alimentario e a súa aplicación práctica na competitividade industrial.

2. Showcooking i exposición en París

O mercado francés é un mercado recoñecido mundialmente como de grande calidade, concentrándose a maior comercialización de produtos alimentación na súa capital, París.

Como é de todos sabido, os produtos transformados da pesca de Galicia son uns produtos dignos do padal máis delicado, por iso considérase o realizar unha exposición de produtos a importadores de produtos delicatessen en Francia, acompañada dunha demostración culinaria da mesma, considerando como data idónea para levala a cabo durante a celebración da feira SIAL que se celebrará en París do 16 ao 20 de outubro de 2016.

3. Estudos de mercado

Considérase necesario levar a cabo un estudo sobre *Como pode Galicia poñer en valor o seu potencial do sector transformador de produtos da pesca e a acuicultura para competir nun mundo global ?*, de maneira que se identifiquen os factores que xeran valor e confianza de forma sostible no sector e que así sirvan como factores estratéxicos a ter en conta polos distintos operadores e interlocutores con este sector.

4. Clases maxistras de cociña

Os produtos do mar son un elemento esencial para poder levar unha vida saudable e coas conservas de peixes e mariscos, os consumidores poderían lograr cubrir unha



grande parte das súas necesidades diarias de proteínas e vitaminas, pero moitas veces o problema que teñen estes consumidores é o saber como poder preparalas.

Por iso, considérase cada vez máis importante o ensinar como poder elaborar e presentar pratos con conservas de peixes.

O público obxectivo para estas clases de cociña maxistras serían non só os "cociñeiros do fogar", senón tamén os cociñeiros da restauración ofrecéndolles ideas e receitas de elaboración e presentación con conservas de peixes e mariscos.

5. Simposios de innovación e internacionalización

Supón de grande interese para o sector industrial transformador de produtos do mar e da acuicultura de Galicia, o realizar dous simposios, un dirixido a innovación e outro a internacionalización, que contribúa a unha maior concienciación nas industrias de Galicia da importancia de abrirse os mercados internacionais e, ademais, o buscar a innovación das empresas para lograr a oferta duns produtos con maiores vantaxes competitivas.

6. Base de datos sobre a industria transformadora de produtos do mar en Galicia.

O sector industrial transformador de produtos do mar e da acuicultura de Galicia sufriu una transformación coa desaparición de empresas, fusiós e reconversións, debido a unha situación económica mundial moi difícil nos últimos anos polo que se considera necesario realizar unha análise da situación actual onde se identifiquen os operadores actuais do sector, identificando tamén os seus competidores do mercado nacional.

SEGUNDA.- CONDICIÓNS ECONÓMICAS.

A Consellería do Mar contribuirá á realización das accións comprendidas no obxecto do presente convenio cunha achega económica, que ten como finalidade compensar a ANFACO-CECOPECA polos gastos nos que incorre como consecuencia de levar a cabo as actuacións obxecto do convenio, cifradas na cantidade de SESENTA E SEIS MIL SETECENTOS NOVENTA E DOUS EUROS (66.792,00 €), con cargo á aplicación orzamentaria 2016.14.02.723B.640.0, código de proxecto 2016 00286S, dos presupostos

xerais da Comunidade Autónoma de Galicia para 2016, sendo esta partida económica axeitada para asumir o custo desta acción por considerarse pola súa propia natureza como un activo configurado como un investimento de carácter intanxible que deberá incrementar o valor das políticas públicas acometidas pola Consellería do Mar neste ámbito e que non dará lugar a investimentos reais de carácter material.

As actuacións recollidas no presente convenio son financiáveis, nun 75 %, co Fondo Europeo Marítimo da Pesca (FEMP). Faise constar tamén a elixibilidade da actuación que se pretende a través da contratación que se propón no marco da Prioridade da Unión, Obxectivo e Medida do FEMP: 5.1.3: Medidas de comercialización, prevista no artigo 68 do Regulamento (UE) 508/2014, do 15 de maio. Esta participación farase constar en todas cantas actuacións se realicen ao abeiro deste convenio.

ANFACO-CECOPECA empregará a totalidade da achega económica desta cláusula nas accións derivadas do obxecto deste convenio, non obtendo ningún beneficio económico desta consignación orzamentaria.

Poderanse facer pagos parciais contra da presentación das facturas polos investimentos inmateriais realizadas, ás que se xuntarán as memorias de cada actividade e as certificacións actualizadas expedidas por cadansúa administración que acrediten que a entidade está ao corrente nas súas obrigas tributarias e sociais, así como que non ten débedas pendentes contraídas coa administración da Xunta de Galicia. As facturas deberán ser conformadas pola Dirección Xeral de Pesca, Acuicultura e Innovación Tecnolóxica para estes efectos.

Para facer efectivo o último pagamento presentarán a memoria final á que se fai referencia na cláusula terceira seguinte.

TERCEIRA.- OBRIGAS

ANFACO-CECOPECA obrígase a realizar as accións especificadas na cláusula primeira do presente convenio.

No marco do presente convenio, ANFACO-CECOPECA obrígase a facer constar a participación da Consellería do Mar nas exhibicións publicitarias que teñan lugar no marco deste convenio.

Finalmente presentará diante da Consellería do Mar unha memoria descritiva da realización do obxecto do convenio.

CUARTA.- RÉXIME DE PERSOAL

A realización das actuacións previstas neste convenio non levará consigo ningún tipo de relación de carácter laboral entre a Consellería do Mar e as persoas que interveñan ou puideran intervir na súa execución, sendo a ANFACO-CECOPECA responsable das obrigas sociais e laborais que se puideran derivar da contratación, pola mesma, do referido persoal.

QUINTA.- SEGUIMIENTO.

Aos efectos de coidar do cumprimento de estipulado no presente convenio créase unha Comisión de Seguimento do mesmo, que estará composta polo director xeral de Pesca, Acuicultura e Innovación Tecnolóxica, en representación da Consellería do Mar, e , secretario xeral de ANFACO-CECOPECA. A dita comisión, que se xuntará a petición de calquera das partes, será o mecanismo de actuación conxunta para garantir a efectividade do convenio.

Neste senso, ANFACO-CECOPECA atenderá ás indicacións, suxestións e requirimentos que se lle formulen desde a Consellería do Mar en relación co obxecto do presente convenio.

SEXTA.- VIXENCIA.

A vixencia do presente convenio estenderase desde a súa sinatura e ata o 30 de decembro de 2016, non sendo susceptible de prórroga.

SÉTIMA- RESOLUCIÓN.

Serán causa de resolución do convenio o mutuo acordo das partes e o incumprimento das cláusulas contidas no mesmo.

OITAVA.- CARACTER DO CONVENIO

Este convenio ten a natureza dos previstos no artigo 4.1.d do Real decreto legislativo 3/2011, do 14 de novembro, polo que se aproba o texto refundido da Lei de contratos do



sector público e o seu réxime xurídico virá determinado polas estipulacións previstas no propio convenio e os principios xerais resultantes da citada Lei.

NOVENA.- LITIXIOS.

As cuestións controvertidas xurdidas sobre a interpretación, modificación, resolución e efectos que puideran derivarse da aplicación do presente convenio deberán ser solucionadas pola Comisión de Seguimento á que se refire a cláusula quinta anterior. Se non se puidera alcanzar dito acordo, as posibles cuestións litixiosas serán de coñecemento e competencia da orde xurisdiccional contencioso-administrativa.

E en proba da conformidade e para a debida constancia do pactado asinan o presente convenio, por triplicado exemplar, en todas as follas, no lugar e data ao comezo

Pola Consellería do Mar
A CONSELLEIRA
PD Orde 30 / 03 / 2012, DOG. n.º 70, do
12/04/2012; DA 6ª, Decreto 129/2015
de 08/10/2015)

Por ANFACO-CECOPECA

O director xeral de Pesca, Acuicultura e
Innovación Tecnolóxica

O secretario xeral

Juan Carlos Maneiro Cadillo
indicados.